



Saksframlegg

Saksnr.	Utval	Møtedato
036/21	Eldrerådet	19.10.2021
036/21	Rådet for menneske med nedsett funksjonsevne	19.10.2021
045/21	Utval for helse og omsorg	20.10.2021
113/21	Kommunestyret	28.10.2021

Innspel til kulturdepartementet sitt høyringsnotat om ny forskrift om tilskot til frivilligsentralar

Vedtak i Kommunestyret 28.10.2021:

Sunnfjord kommunestyre stiller seg bak vedlagt innspel til høyringsnotatet, datert 12.10.21, og støttar ikkje forslaget om ny forskrift om tilskot til frivilligsentralar slik den ligg føre. Sunnfjord kommune krev at forskrifta fjernar krava om at frivilligsentralane skal:

- ha eit styre, halde årsmøte og ha eigne vedtekter
- ha eige rekneskap og årsrapport
- ha eige organisasjonsnummer

Innstilling frå Utval for helse og omsorg 20.10.2021:

Sunnfjord kommunestyre stiller seg bak vedlagt innspel til høyringsnotatet, datert 12.10.21, og støttar ikkje forslaget om ny forskrift om tilskot til frivilligsentralar slik den ligg føre. Sunnfjord kommune krev at forskrifta fjernar krava om at frivilligsentralane skal:

- ha eit styre, halde årsmøte og ha eigne vedtekter
- ha eige rekneskap og årsrapport
- ha eige organisasjonsnummer

Kommunedirektøren sitt framlegg til vedtak:

Sunnfjord kommunestyre stiller seg bak vedlagt innspel til høyringsnotatet, datert 12.10.21, og støttar ikkje forslaget om ny forskrift om tilskot til frivilligsentralar slik den ligg føre. Sunnfjord kommune krev at forskrifta fjernar krava om at frivilligsentralane skal:

- ha eit styre, halde årsmøte og ha eigne vedtekter
- ha eige rekneskap og årsrapport
- ha eige organisasjonsnummer

Bakgrunn for saka

Kulturdepartementet har sendt forslag om ny forskrift for frivilligsentralar på høyring. Frist for å gje høyringsinnspel er sett til 12. november 2021 og det er planlagt at forskrifta skal tre i kraft 1. januar 2023.

Høyringsnotatet skildrar mellom anna målsettingar med frivilligsentralane, frivilligsentralane si historie, eigarskap og finansieringsmodellar.

Kulturdepartementet har utreda og vurdert fleire modellar for tildeling av tilskot. Dette blir oppsummert i fire modellar. Slik den nye forskrifta ligg føre er den inngripande i organisering og drift av frivilligsentralane i Sunnfjord kommune.

Saksutgreiing

Sunnfjord kommune har tre frivilligsentralar: Gaular frivilligsentral, Naustdal frivilligsentral og Førde frivilligsentral. Kommunen er eigar av dei tre sentralane som organisatorisk er lagt under helse og sosial og er ein del av Aktivitetseininga.

Friskliv- og frivilligsenteret er eit team som består av dei tre daglege leiarane i frivilligsentralane, frisklivskoordinator og kontaktperson for seniorar som mellom anna arbeider med førebyggjande heimebesøk og som er teamet sin kontakt for Jølster i høve frivilligheit. Støtte- og treningskontaktenesta er også innlemma i teamet. Dagleg leiar for Førde frivilligsentral fungerer som driftskoordinator for friskliv- og frivilligsenteret.

Denne modellen er basert på gode erfaringar der frisklivsarbeidet, og frivilligsentralane har hatt tett samarbeid. I dag er det om lag 170 deltakarar registrert i frisklivssatsinga. For mange er dei sosiale møteplassane som frivilligsentralane koordinerer like viktige som dei fysiske frisklivsaktivitetane. Det vert rekruttert frivillige gjennom samtalar med frisklivsdeltakarar og frivillige kan tilby sosiale møteplassar for frisklivsdeltakarar.

I dei førebyggjande heimebesøka til 75-åringar vert det informert om aktivitetar og arrangement som kan ha interesse for dei som får besøk. Det er stor variasjon i kva 75-åringane har behov for og/eller kan bidra med. Heimebesøket vert mellom anna nytta til å kartlegge behov, men også til å informere om aktivitetar som finnast og til å rekruttere fleire frivillige i tråd med deira interesser. Tett samarbeid med støtte- og treningskontaktenesta er også ein fordel sidan treningskontaktar kan nyttast som instruktørar i frisklivstilboda, samt at ulike kurs for støttekontaktar er aktuelle for frivillige som ønskjer kompetanse på ulike områder.

Det nære samarbeidet mellom frivilligsentralane, frisklivsarbeidet og andre helsefremjande tiltak har såleis god og positiv effekt når det gjeld å rekruttere frivillige, å ha eit variert frisklivstilbod og sosiale møteplassar i heile kommunen. Friskliv- og frivilligsenteret har fleire gongar vorte kontakta av andre kommunar som ønskjer å byggje opp same modell.

Friskliv- og frivilligsenteret gjennomfører aktivitetar og arrangement for innbyggjarar i alle aldersgrupper, anten på eige initiativ, i samarbeid med andre kommunale einingar og/eller saman med lag, organisasjonar og bedrifter i lokalmiljøet. Friskliv- og frivilligsenteret skal støtte opp og samarbeide rundt lokale aktivitetar, deira tilbod skal ikkje vere ein konkurrent til lokale aktørar sine aktivitetar.

Friskliv- og frivilligsenteret skal vere eit bindeledd mellom lokalsamfunnet og

kommunen og skal ha stort fokus på koordinering og samarbeid. Ulike fora som ressursgrupper, fagråd og samarbeidsmøter med lag, organisasjonar eller andre eldsjeler vert nytta til å kartlegge behov og planlegge aktivitetar.

Dei tilsette ved friskliv- og frivilligsenteret hadde i utgangspunktet einsame arbeidstilhøve utan nære kollegaer. Dei opplever ei styrke i det å no vere ein del av eit team. Teamet har faste møtepunkt der dei tilsette tek opp aktuelle saker, får innspel frå kvarandre og gjer ulike avklaringar.

Friskliv- og frivilligsenteret arbeider i tråd med sentrale og kommunale føringar og er innlemma i kommunen sitt styringssystemet i høve planarbeid og rapportering. Det statlege tilskotet som Sunnfjord kommune får overført til frivilligsentralane er øyremærka og nytta til å drifte dei tre frivilligsentralane.

Vurdering

Fleire av punkta i det som er skildra under krav til frivilligsentralane er uproblematisk for Sunnfjord kommune. Nokre av punkta gjer det derimot svært utfordrande å drifte frivilligsentralane slik som i dag:

- Ha eit styre, halde årsmøte og ha egne vedtekter
- Ha egne rekneskap og årsrapport
- Ha egne organisasjonsnummer

Sunnfjord kommune stiller spørsmål ved intensjonen om å ha egne styre der frivilligsentralane er kommunalt eigd. Frivilligsentralane i kommunen er innlemma i det kommunale systemet når det gjeld handlingsplanar, temaplanar og kommuneplanar. Årsrapport inkludert rekneskap vert rapportert på saman med den respektive eininga si rapportering til kommunestyret.

Frivilligsentralane har i dag samarbeidsmøter med frivillige lag og organisasjonar, ressursgrupper og fagråd som reflekterer det frivillige livet i lokalsamfunnet, i samråd med desse vert det utarbeidd planar og gjennomført aktivitetar. Dei daglege leiarane for frivilligsentralane er ein del av teamet som arbeider med friskliv- og frivilligheit i kommunen og har tett samarbeid med folkehelsekoordinator. Slik organisering styrkar fagområda frivilligheit, friskliv og folkehelse sin funksjon og er i tråd med intensjonen om at kommunen skal ha eit heilskapleg ansvar for desse områda.

Dersom dei tre frivilligsentralane skal opprette eigen organisasjon med styre og, kan det heilskapelege plan- og aktivitetsarbeidet verte utfordrande. Då vil det vere dei ulike styra for frivilligsentralane som skal godkjenne budsjett, planar og aktivitetar, desse vil kunne sprike i ulike retningar og i verste fall ikkje vere i tråd med kommunen sine planar, som til dømes frivilligsentralane si rolle i kommunen sitt arbeid med «Leve hele livet».

Det organisatoriske styrearbeidet med saksførebuingar, gjennomføring av møter og protokollføring etter styremøter og årsmøter er krevjande og vil ta av arbeidstid som dagleg leiar kan nytte til å følgje opp frivillige, koordinere og gjennomføre aktivitetar. Sunnfjord kommune ber difor kulturdepartementet om å trekke desse krava i forskrift om tilskot til frivilligsentralane.

Førde, den 12.10.2021

Ole John Østenstad
kommunedirektør

Kurt Even Andersen
Kommunalsjef Helse og sosial

Behandling i folkevalde organ:

Behandling i Kommunestyret 28.10.2021:

Hilde Iren Rivedal (SV) og Kari Valle (AP) bad om habilitetsvurdering sidan dei har vort med på saksførebuinga som tilsett i kommunen.

Eit samrøystes kommunestyre erklærte Rivedal og Valle som inhabile jf. kml. § 11-10 andre ledd.

Avrøysting:

Utvalet for helse og omsorg si innstilling vart **samrøystes vedteke**

KST-113/21 Vedtak:

Sunnfjord kommunestyre stiller seg bak vedlagt innspel til høyringsnotatet, datert 12.10.21, og støttar ikkje forslaget om ny forskrift om tilskot til frivilligsentralar slik den ligg føre.

Sunnfjord kommune krev at forskrifta fjernar krava om at frivilligsentralane skal:

- ha eit styre, halde årsmøte og ha egne vedtekter
- ha egne rekneskap og årsrapport
- ha egne organisasjonsnummer

Behandling i Utval for helse og omsorg 20.10.2021:

Kommunalsjef helse og sosial Kurt Even Andersen orienterte om saka og svara på spørsmål.

Avrøysting:

Kommunedirektøren sitt framlegg til vedtak vert samrøystes tilrådd.

UHO-045/21 Vedtak:

Sunnfjord kommunestyre stiller seg bak vedlagt innspel til høyringsnotatet, datert 12.10.21, og støttar ikkje forslaget om ny forskrift om tilskot til frivilligsentralar slik den ligg føre.

Sunnfjord kommune krev at forskrifta fjernar krava om at frivilligsentralane skal:

- ha eit styre, halde årsmøte og ha egne vedtekter
- ha egne rekneskap og årsrapport
- ha egne organisasjonsnummer

Behandling i Rådet for menneske med nedsett funksjonsevne 19.10.2021:

Avrøysting:

Kommunedirektøren si tilråding vart **samrøystes godkjend**

RMNF-036/21 Vedtak:

Sunnfjord kommunestyre stiller seg bak vedlagt innspel til høyringsnotatet, datert 12.10.21,

og støttar ikkje forslaget om ny forskrift om tilskot til frivilligsentralar slik den ligg føre. Sunnfjord kommune krev at forskrifta fjernar krava om at frivilligsentralane skal:

- ha eit styre, halde årsmøte og ha eigne vedtekter
- ha eige rekneskap og årsrapport
- ha eige organisasjonsnummer

Behandling i Eldrerådet 19.10.2021:

Tilleggsframlegg, fremja av Per Kjelstad ():

Sunnfjord Eldreråd går inn for kommunedirektøren si tilråding med desse merknadene:

- Det er viktig at frivilligsentralane og frisklivsarbeidet fungerer på ein enkel og ubyråkratisk måte.
- Dei frivillige sin innsats er heilt avgjerande for at frivilligsentralane kan fungere godt.
- Opplegg og organisering av arbeidet må gjerast i nært samarbeid både med dei frivillige og dei som skal bruke tenestene.
- Tilboda må finnast over heile kommunen, slik at ikkje avstand eller problem med transport stengjer nokon ute.
- Med lokale tilbod får ein og mobilisert lokale ressursar og lokalt engasjement.
- Frivilligsentralane og frisklivsarbeidet er viktig for å ivareta folkehelseomsyn og kan vere til god hjelp til å oppfylle intensjonane for «Leve heile livet».

Kommunalsjef helse og sosial Kurt Even Andersen orienterte og svara på spørsmål. Per Kjelstad las opp eige framlegg.

Avrøysting:

Framlegg frå Per Kjelstad vart **samrøystes godkjend**.

ELDR-036/21 Vedtak:

Sunnfjord Eldreråd går inn for kommunedirektøren si tilråding med desse merknadene:

- Det er viktig at frivilligsentralane og frisklivsarbeidet fungerer på ein enkel og ubyråkratisk måte.
- Dei frivillige sin innsats er heilt avgjerande for at frivilligsentralane kan fungere godt.
- Opplegg og organisering av arbeidet må gjerast i nært samarbeid både med dei frivillige og dei som skal bruke tenestene.
- Tilboda må finnast over heile kommunen, slik at ikkje avstand eller problem med transport stengjer nokon ute.
- Med lokale tilbod får ein og mobilisert lokale ressursar og lokalt engasjement.
- Frivilligsentralane og frisklivsarbeidet er viktig for å ivareta folkehelseomsyn og kan vere til god hjelp til å oppfylle intensjonane for «Leve heile livet».

Vedlegg i saka:

Høringsnotat - ny forskrift om tilskudd til frivilligsentraler

Om fordeling av tilskudd til frivilligsentraler i 2021 og rapportering til Kulturdepartementet om etablerte eller nedlagte frivilligsentraler i den enkelte kommune

Innspel til høringsnotat - ny forskrift om tilskudd til frivilligsentralar